

"Great minds discuss ideas, average minds discuss events, small minds discuss people" Eleanor Roosevelt

CITRUS RESEARCH INTERNATIONAL (CRI) TWEE-JAARLIKSE SITRUSNAVORSINGSIMPOSIUM

Na 'n onderbreking van vier jaar, het die gewilde CRI Navorsingsimposium na Champagne Sports in die KZN Drakensberg teruggekeer – en dit was duidelik dat afgevaardigdes die geleentheid gemis het. Dit moet een van die grootste landboukonferensies in Suid-Afrika wees, met 847 afgevaardigdes vir die drie-dae geleentheid. Oor daardie drie dae is die afgevaardigdes aan tagtig goed-voorbereide en interessante aanbiedings blootgestel, wat hulle met die jongste sitrusnavorsingsresultate op hoogte bring het. Daarbenewens is navorsingsresultate in 40 plakkate aangebied, wat in die aangrensende sale uitgestal is. Sosiale geleenthede soos die UPL Welcome and Dinner, die River Bioscience Happy Hour en Remoon Street Food Festival, die MBFI Dinner en die SAPPI Gala Dinner en King Price Entertainment het verseker dat afgevaardigdes goed genetwerk het, en goeie eetgoed en drinkgoed gehad het. Glo my – navorsers kan dans. Baie geluk aan die reëlingskomitee – hoewel ek nie kennis het nie, sou ek my voorstel dat Liezl van der Linde en Catherine Savage die glans en die blink na die geleentheid bring het, terwyl Hannes Bester, MC Pretorius, Dawid Groenewald en Wayne Momsen verseker het dat navorsing van die hoogste standaard gedeel word.

Sonder borge sal sulke geleenthede nie moontlik wees nie – Winfield United South Africa as Diamant-borg het CRI toegelaat om die ekstra myl te loop, terwyl die ander borge almal hul rol gespeel het om te verseker dat afgevaardigdes 'n fantastiese ervaring gehad het.

Langs die hoofsaal was uitstallersale waar afgevaardigdes by die nuutste tegnologie, produkte en dienste wat vir die sitrusbedryf beskikbaar is, betrokke kon raak.

Ek kan nie wag vir die volgende geleentheid nie – kom ons hoop dit sal in 2024 wees.

GEPAK EN VERSKEEP

Die pomelo's se seisoen is amper verby, met net 100 000 kartonne van die voorspelde 16,2 miljoen kartonne (15Kg) wat nog gepak moet word; net 4% minder as die oorspronklike Maart 2022 - skatting. Dit is ook die geval met suurlemoene - met net 200 000 kartonne van die jongste voorspelling wat nog gepak moet word; die voorspelling is nou 4% bo die aanvanklike skatting.

Nawels het net 1,5 miljoen kartonne om te gaan - met die voorspelling 6% minder as die oorspronklike skatting.

Met laat mandaryne in volle swang, is daar 5,5 miljoen kartonne wat nog gepak moet word om die jongste voorspelling te bereik, hierdie voorspelling is nou net 1% minder as die Maart-skatting. Die "big ticket" is Valencia-lemoene met 21,6 miljoen kartonne wat nog gepak moet word - met die voorspelling nou 3% minder as die oorspronklike skatting.

Einde van Week 34 Miljoen 15 Kg kartonne	Gepak	Gepak	Gepak	Verskeep	Verskeep	Aanvanklike Skatting	Nuutste Voorspelling	Finaal Gepak
BRON: PPECB/AGRIHUB	2020	2021	2022	2021	2022	2022	2022	2021
Pomelo's PP (17kg)		2.7 m	2.5 m	2.2 m	2.0 m			
Pomelo's Klas1&2 (17kg)		12.5 m	11.7 m	12.3 m	10.6 m			
Pomelo's	15.7 m	17.2 m	16.1 m	16.4 m	14.3 m	16.8 m	16.2 m	17.5 m
Mandaryne	21.4 m	27.4 m	28.6 m	23.2 m	27.5 m	34.5 m	34.1 m	30.9 m
Suurlemoene	26.5 m	28.9 m	33.4 m	26.8 m	31.8 m	32.3 m	33.6 m	31.0 m
Nawels	24.8 m	25.7 m	25.4 m	22.6 m	24.6 m	28.7 m	26.9 m	27.2 m
Valencias	34.4 m	34.7 m	34.8 m	21.0 m	28.3 m	58.2 m	56.4 m	55.0 m
Totaal	122.8 m	133.9 m	138.3 m	110.0 m	126.5 m	170.5 m	167.2 m	161.6 m